

13 MEI 2025

INSPIRATIESESSIE STELLINGWARFS & BEZOEKERSBELEVING

- Dinsdag 13 mei 2025
- Inloop 19:00 – Start 19:30 – Afsluiting 21:30
- Het Vlechttheater – Mandehof 13, Noordwolde

Tael as kraacht, tael as kaans!

Et Stellingwarfs is een slim belangriek onderdiel van de identiteit en eigenhied van de Stellingwarven. Niet aliend om te heuren, maar ook om te dielen. Tegere mit de gemienten Oost- en Weststellingwarf organiseren de Stellingwarver Schrieversronte, Toerisme Alliantie Friesland (TAF) en Stiekm Trots een inspiraosiesessie veur ondernemers, bedrieven en organisaosies die ni'jsgierig binnen naor wat et Stellingwarfs betekenen kan veur heur onderneming – in de gaastvri'jhiedssector, mar zeker ook daor buten.

Hoe kuj' et Stellingwarfs op een netuurlike, herkenbere maniere onderdiel maeken van hoe aj' meensken ontvangen, betrekken of raeken? Of ie now in de horeka warken, een winkel hebben, aktief binnen in een vereniging of op een aandere maniere kontakt hebben mit meensken: jow eigen streektael kan helpen om jow verhael starker, persoonliker en unieker over te brengen.

Tiedens de sessie dielen we praktische veurbielden, inspiraosie en idenen diej' morgen al toepassen kunnen – op alderhaande soorten plakken en in uutienlopende praktieken. Van menukaorten en kletsputten tot ansluten bi'j literaire fietsroutes of het gebruik van Stellingwarfs op perdukten of in kommenikaosie.

En dat allemaole veur de pries van een dag zunneshien!

Wat kuj' verwaachten?

1. Welkom en eupening over et belang van et Stellingwarfs deur wethoolder Roelof Theun Hoen
2. Prissentaosie van de Stellingwarver Schrieversronte
3. Veurbielden uut de praktiek – wat is d'r al en hoe warkt dat?
4. Gesprek en uutwisseling – wat kuwwe nog meer doen?
5. Ofsluiting mit een informele borrel

Disse bi'jienkomst is bedoeld veur iederiene die ontdekken wil wat streektael betekenen kan veur heur bedrief, perjekt of omgeving. Anmelden kan tot en mit vri'jdag 09 meie. Meld jow an, deenk mit en laot je inspireren!